

☒ Utusan Malaysia
☐ Mingguan Malaysia
 Tarikh: 25/06/2012
 Hari: ISNIN M/S:
 Ruangan: HELLO KAMPUS



helo kampus

Pupuk minat bertaja sula selawar... UTUSAN MALAYSIA ISNIN 25 JUN 2012

UUM perkenal kaedah baharu tanaman padi

Oleh MOHD. SAIFUL MOHD. SAHAK
Kampus@utusan.com.my

PENYELIDIR Pusat Pengajian Pengurusan Teknologi dan Logistik (STML), Kolej Perniagaan Universiti Utara Malaysia (UUM) berjaya menemui kaedah penanaman padi yang dapat meningkatkan hasil padi melalui penggunaan tanah terbiar khususnya di kawasan kurang produktif. Kaedah penanaman padi itu dijangka membantu meningkatkan hasil padi sehingga lapan tan metrik bagi setiap hektar padi yang diusahakan petani.

Teknik penanaman ini yang sangat sesuai ditanam di kawasan yang mempunyai masalah struktur tanah. Kajian dan projek yang dijalankan di Kampung Lintang di Sik, Kedah atau lebih dikenali dengan Projek Sri Lovely ini ketuai Dr. Kamal Ab Hamid bersama Dr. Siti Nooruzdiah Azbiya Yaseen, Zakariah Othman, Dr. Norani Nordin dan Prof. Madya Dr. Shahimi Mohlar.

Kajian ini merupakan kerjasama Lembaga Kemajuan Wilayah Kedah (KEDA) dan Koperasi Agro Belantik Sdn. Bhd. Dr. Kamal berkata, melalui kejayaan projek Sri Lovely ia telah membawa dimensi baharu kaedah penanaman padi yang dapat dipromosikan agar dikembangkan penggunaannya di kawasan-kawasan luar bandar.

"Teknik ini telah diadaptasi dan inovasi daripada teknik System Of Rice Intensification (SRI) yang telah berjaya meningkatkan hasil padi sebanyak dua



TEKNIK penanaman baharu yang dijalankan UUM dapat meningkatkan pengeluaran hasil padi.

kali ganda dan mencecah hingga lapan tan berbanding dengan enam tan sebelum ini.

"Melalui teknik yang digunakan ini penghasilan padi untuk dituai dapat dipercepatkan sekurang-kurangnya sepuluh hari lebih awal dari kebiasaannya," katanya.

Dr. Kamal berkata, kolaborasi yang dijalankan dengan pihak KEDA dan Koperasi Agro Belantik Sdn. Bhd. itu merupakan sumbangan kepada universiti untuk terus menjalankan kajian dan penyelidikan berorientasikan pertanian," katanya.

"Kami mendapat kerjasama dari KEDA bagi mengatur program pembangunan modal insan dengan menggalakkan petani dan mahasiswa UUM untuk menyertai kursus dalam membangunkan kaedah penanaman padi secara komersial.

"Malah ia juga dapat mempertingkatkan nilai tambah kepada mahasiswa bidang pengurusan perniagaan selain nilai ekonomi di kawasan luar bandar yang mampu menarik minat golongan petani dan belia untuk menyertai dan mengusahakan bidang pertanian," katanya.



SEBAHAGIAN penyelidik UUM bersama dengan petani di Sri Lovely yang menjalankan kaedah penanaman padi baharu.



MAHASISWA UUM membantu menjalankan kerja penanaman padi di tapak semalan Sri Lovely di Sik, Kedah baru-baru ini.

Apa kata mereka

"Pencapaian penyelidik dari STML ini menunjukkan universiti pengurusan ini juga memainkan peranan penting dalam bidang pertanian."

"Saya yakin dengan pencapaian ini dan menunjukkan mutu pencapaian akademik di UUM telah meningkat dari segi kualiti dan kuantiti dan bersedia untuk bersaing dengan penyelidikan dari universiti lain dan bergerak untuk mencapai status universiti penyelidikan," katanya.



PROF. DATUK DR. MOHAMER MUSTAJIR USAK, Wd. Chairman KUM

"Kejayaan yang dicapai sejak penubuhan pada Julai 2011 menunjukkan kumpulan penyelidik dari pusat ini juga telah bersedia untuk bersama-sama penyelidik lain untuk menghasilkan penyelidikan mereka seterusnya mengkomersialkan produk yang dihasilkan kepada masyarakat di negara ini."



PROF. MADYA DR. ZUHRI MOHAMED UMM, Dekan STML

Sertai kami

facebook

Helo Kampus